



[Placeholder text block 1: A series of empty rectangular boxes for transliteration.]

Имом Муслим ривоят қилган ҳадисда Абу Саид ал-Худрий розияллоҳу анҳу шундай дейди: Пешин намозига такбир айтилар, шундан сўнг бирон эҳтиёжи бор одам бориб Бақеъда ҳожатини адо этиб, сўнг таҳорат олиб келарди, ваҳоланки Расулуллоҳ соллаллоҳу алайҳи ва саллам намозни узоқ ўқиганларидан ҳали биринчи рақъатда бўлардилар.

[Placeholder text block 2: A series of empty rectangular boxes for transliteration.]

Муттафақун алайҳ бўлган ҳадисда Абу Қатода розияллоҳу анҳу айтади: Расулуллоҳ соллаллоҳу алайҳи ва саллам биз билан бирга намоз ўқирдилар, пешин ва асрнинг аввалги икки рақъатида “Фотиҳа” сурасини ва иккита сура ўқирдилар, гоҳо оятни бизга эшиттириб қўярдилар. Пешиннинг биринчи рақъатини узунроқ, иккинчисини қисқароқ ўқирдилар. Бомдодда ҳам шундай қилар эдилар.

[Placeholder text block 3: A series of empty rectangular boxes for transliteration.]



○○○○ ○○○○) ○○○○○○ ○○○○ ○○○○○○○○○ ○○○○○○○○○○).

Имом Муслим ривоят қилган ҳадисда Жобир ибн Самура розияллоҳу анҳу айтади: Расулуллоҳ соллаллоҳу алайҳи ва саллам пешин намозида “Вал-лайли иза яғша” ва асрда ҳам шунга ўхшаш сураларни ўқир эдилар. Бомдодда эса бундан узунроқ сураларни ўқир эдилар.

**Шарҳ:**

Расулуллоҳ соллаллоҳу алайҳи ва саллам пешин ва аср намозларида ўрта сураларни ўқирдилар. Пешин намозининг биринчи ракъатини узунроқ ўқирдилар, ҳатто киши такбир айтилганда чиқиб ҳожатини бажариб, сўнгра таҳорат олиб келиб Расулуллоҳ соллаллоҳу алайҳи ва саллам билан биринчи ракъатни ўқир эди, аммо иккинчи ракъатни қисқароқ ўқирдилар.

**Бугунги дарсдан олинadиган фойдалар:**

1. Пешиннинг биринчи ракъатини узунроқ ва иккинчи ракъатини қисқароқ ўқиш суннат.
2. Пешин ва аср намозида ўрта сураларни ўқиш суннат.